

31 MAY 2003

I

DR MAHATHIR BERBINCANG DENGAN PRESIDEN AFRIKA SELATAN

Oleh: Yong Soo Heong

LAUSANNE, 31 Mei (Bernama) -- Perdana Menteri Datuk Seri Dr Mahathir Mohamad hari ini mengadakan perbincangan dua hala dengan Presiden Afrika Selatan Thabo Mbeki sehari sebelum Dialog Tidak RAsmi Sidang Kemuncak Kumpulan Lapan (G8) bersama negara bukan anggota, yang berlangsung di Evian, Perancis, esok.

Menteri Luar Datuk Seri Syed Hamid Albar turut hadir pada pertemuan itu.

Dr Mahathir dan Mbeki diundang oleh Presiden Perancis Jacques Chirac untuk menghadiri sidang kemuncak Kumpulan Lapan negara-negara perindustrian itu.

Pada hari pertama lawatan kerja ke sini, Dr Mahathir menghadiri jamuan malam anjuran Presiden Switzerland Pascal Couchepin.

Pada Ahad, Perdana Menteri akan mengadakan perbincangan dua hala dengan Chirac dan Presiden Rusia Vladimir Putin.

Pada Isnin pula, Dr Mahathir akan mengadakan pertemuan dengan Presiden China, Hu Jiantao di sini.

-- BERNAMA

SHY RV LAT